

<><><><><><>

Headlines

- भारतीय चुनावों का आयोग नई जम्मू-कश्मीर विधानसभा चुनावों के पहले गेड के मतदान लेई अज्ज अधिसूचना जारी करी दिती ऐ। इस गेड तैहत 18 सितंबर गी वोट पोआए जाडन। नामांकन दाखल करने दी खीरी तरीक 27 अगस्त रखी गई ऐ।
- मुख् सचिव अटल डुल्लू होरें अज्ज सिविल ते पुलस प्रशासन दे बड्डे अधिकारिणं कन्नै इक बैठक लाइए चुनावों तैयारिणं दी समीक्षा कीती।
- भारत ते मलेशिया नै अपनी सामरिक भ्याली गी होर व्यापक रूप देने दा फैसला कीता ऐ।
- डॉक्टरी पेशे कन्नै जुडे दे लोकें दी सुरक्षा गी यकीनी बनाने लेई सुप्रीम कोर्ट नै राश्ट्रीय कार्जबल दा गठन कीता ऐ।

<><><><><><>

Notification-JK

चुनावों का आयोग आस्सेया अज्ज जम्मू-कश्मीर के विधानसभा चुनावों लेई पहले गेड की अधिसूचना जारी करी दिती गई। 18 सितंबर गी होने आहले विधानसभा चुनावों के पहले गेड तैहत पुलवामा, अनंतनाग, शोपियां, कुलगाम, रामबन, किशतवाड़ ते डोडा जिलें के 24 निर्वाचन हल्कें लेई वोट पाए जाडन ते बाकी के क्षेत्रें च दुए ते त्रीए गेड च वोट पाए जाडन। कश्मीर संभाग च 16 विधानसभा क्षेत्र जिंदे च पंपोर, त्राल, पुलवामा, राजपोरा, जाइनापोरा, शोपियां, डी.एच. पोरा, कुलगाम, देवसर, दुरू, कोकरनाग, अनंतनाग, अनंतनाम, सीरीगुफारा, शांगास पच्छिम अनंतनाग, पैहलगाम ते जम्मू संभाग च 8 विधानसभा क्षेत्र जिंदे च इंदरवाल, किशतवाड़, पाडर, नागसेनी, भद्रवाह, डोडा, डोडा पच्छिम, रामबन ते बनिहाल च पहले गेड तैहत वोट पाए जाडन। अधिसूचना मुजब मेदवार 27 अगस्त तक्कर नामांकन भरी सकदे न ते नामांकन पत्रें दी जांच 28 अगस्त गी कीती जाग। नामांकन वापस लैने दी खीरी तरीक 30 अगस्त 2024 तैय कीती गई ऐ। पहले चरण लेई मतदान 18 सितंबर गी होंगन ते मतदान बड्डुलै 7 बजे कोलां लेइये संझा 6 बजे तक्कर होगा।

<><><><><><>

CS-Election Security

मुख् सचिव अटल डुल्लू होरें अज्ज सिविल प्रशासन ते पुलस मैहकमे के बड्डे अफसरें कन्नै इक बैठक लाइयै केंद्र शासित प्रदेश च औंदे विधानसभा चुनावों लेई सुरक्षा प्रबंधें ते होर दुइए तैयारिणं दा जायजा लैता। इस मौके उनें सरबंधित अधिकारिणं गी जोर देइए आखेआ जे हर जिले च लौडै मुजब केंद्री थेआरबंद बलें दी बाद्दू तैनात दी बवस्था करी लैती जा। उनें सुरक्षा बलें दी तैनाती ते उंदे ठैहरने दी बवस्था बारै बी तफसीली सोच विचार कीता जेदे च उंदी ठैहरने आहली थाहरै पर पानी, बिजली, शोचालय ते होर दुइए सुविधाएं दी बवस्था करना शामिल ऐ। मुख् सचिव होरें प्रशासन कन्नै चुनावों च खडोने आले मेदवारें दी सुरक्षा ते होरनें बवस्थाएं के बारै च बी तफसीली गल्लबात कीती। एहदे अलावा चुनावों अमले गी आनने लेई जाने के प्रबंधें बारे मैहकमा ट्रांसपोर्ट कन्नै बी चर्चा कीती गई। मुख् सचिव होरें दौनें डिविजनल कमिशनरें गी विधानसभा चुनावों गितै हर किस्मै दिणं तैयारिणं पर आपूं तक्कर रखने लेई आखेआ

तां जे कुसै चाल्ली दी कोई बी कमी पेशी नेई रेही जा ते पूरी चुनांs प्रक्रिया गी रमानदारी ते बवस्था आले ढंगै सिर तोड़ चाढेया जाई सकै।

<><><><><><>

Election Poonch Meet

पुंछ दे जिला चुनां प्राधिकरणें आस्सेया अज्ज डीसी दफ्तर च चुनां नोडल अफसरें लेई इक रोजा सिखलाई कार्यक्रम दा सरिस्ता कीता गेआ। इस सिखलाई दा मकसद सरबंधित अधिकारिएं गी पूरी चुनां प्रक्रिया बारै जानकारी कन्नै लैस करना हा। सिखलाई दी शुरूआत करदे होई डी.सी पुंछ जेहडे जिला चुनांs अफसर बी ऐन, होरें चुनाएं कोला पैहले इस प्रक्रिया कन्नै जुडे दे हर इक अफसर, कर्मी ते अमले दे जानकार होने दे महत्वै पर जोर दित्ता ते आखेआ जे सिखलाई दौरान हासल जानकारी कन्नैक कुसै बी चाल्ली दा शक शुबा दूर होई जंदा ऐ ते प्रक्रिया गी तोड़ चाढने च कोई दिक्कत पेश नेई औंदी।

<><><><><><>

India-Japan

भारत ते जपान बश्कार दो जमा दो मंत्री स्तरै दी गल्लबात अज्ज संझा नमीं दिल्ली च लगगोग जेदे च रक्षा मंत्री राजनाथ सिंह ते विदेशम मंत्री एस. जयशकर होरें अपने जपानी हमरूतबा कन्ने गल्लबात करंगन। इस गल्लबात दा मकसद दौनें मुखें बश्कार होरनें क्षेत्रें दे अलावा रक्षा ते आपसी सरबंधै दे क्षेत्र च रिश्ते गी मजबूती देना ऐ। एहदे शा पैहले जपान दे इनें मंत्रिएं प्रधानमंत्री नरेंद्र मोदी हुंदे नै बी मलाटी कीती ऐ।

<><><><><><>

Goyal-CEO Forum

केंद्री वाणिज्य ते उद्योग मंत्री पीयूष गोयल होरें भारत ते मलेशिया बश्कार बपारिक सरबंधै गी बधाने दे महत्व बारै जोर पाया। नमीं दिल्ली च भारत मलेशिया मुख् कार्यकारी अधिकारी मंच दी बैठक दौरान श्री गोयल होरें दौनें मुखें बश्कार बपारिक सरबंधें गी होर बढ़ावा देने आस्तै बक्ख-बक्ख अवसरें बारै गल्लबात कीती। उनें शिक्षा, सेहत सेवा, सैलसफा, बुनियादी ढांचा ई-कर्मस, डिजिटल अर्थ बवस्था ते स्वच्छ ते टिकाऊ उर्जा सनें केई क्षेत्रें च सहयोग दी संभावना दी गल्ल कीती। श्री गोयल होरें तेल ते गैस उद्योग च भारत दी प्रगति दा उल्लेख कीता ते इनें क्षेत्रें च उपलब्ध केई अवसरें गी तुप्पने लेई मलेशिया दी कंपनियें गी प्रोत्साहित कीता।

<><><><><><>

Buddha-Amarnath

पुंछ जिले दे मंडी इलाके च स्थित श्री बुड्ढा अमरनाथ जी दे मंदरै च त्रऊं दिनें दे बसां दे बाद शिवें दी पवित्र छडी मबारक दे अज्ज दशनामी अखाड़ा पुज्जने दे कन्नै गै इस बरे दी सलाना श्री बुड्ढा अमरनाथ जी दी यात्रा सम्पन्न होई गेई। बम-बम भोले, हर-हर महादेव ते जय बाबा बुड्ढा अमरनाथ जी दे जयघोष कन्नै स्वामी विश्वात्मानंद सरस्वति होरें एहदे शा पैहले चट्टानी बाबा जी दे मंदरै च छडी विदेया पूजन कीता ते भारी गिनत्री च शरधालुएं ते साधुएं दे कन्नै पवित्र छडी गी आदर सम्मान कन्नै लेइए दशनामी अखाड़ा लेई रवाना होए। स्हाडे जिला संवाददाता अनुभव मिसरी कन्नै गल्लबात करदे होई स्वामी विश्वात्मानंद सरस्वति जी महाराज होरें आखेआ।

<><><><><><>

India-Malaysia

भारत ते मलेशिया नै श्रम ते रोजगार, आयुर्वेद ते परम्परागत दोआई, डिजिटल प्रौद्योगिकी, संस्कृति, सैलसफा ते युवा ते खेड्डें दे क्षेत्र च कई समझौते उप्पर दस्तखत कीते। दौनें मुल्ले जन प्रशासन, शासन सुधार ते आपसी सहयोग दे क्षेत्र च बी समझौते उप्पर दस्तखत कीते। इनें समझौते उप्पर नमीं दिल्ली च प्रधानमंत्री नरेंद्र मोदी ते मलेशिया दे प्रधानमंत्री दातो सेरी अनवर बिन इब्राहिम हुंदे बश्कार शिष्टाचार गल्लबात दे बाद दस्तखत कीते गो। श्री मोदी होरें आखेआ जे दौनें मुल्ले दे बश्कार राजनैतिक सांझेदारी गी 10 ब'रे पूरे होन जा करदे न ते पिछले द'ऊं बरें च इस सांझेदारी नै इक नमीं रफ्तार फगडी ऐ। प्रधानमंत्री होरें फिनटेक, सेमी कंडक्टर, रक्षा उद्योग, आर्टिफिशल इंटेलिजेंस ते Quantum प्रौद्योगिकी जनेहू नमें क्षेत्रें च बी सहयोग बढ़ाने दी जरूरत उप्पर जोर भरेया।

<><><><><><>

SC-Kolkatta Murder

सर्वोच्च न्यायालय नै स्वास्थ्य कर्मियों दी सुरक्षा सुनिश्चित करने लेई राष्ट्रीय कार्यबल बनाया ऐ। मुख् न्यायाधीश डी.वाई चंद्रचूड हुंदे नेतृत्व आहली पीठ नै कलकत्ता दे अस्पताल च इक डाक्टर कन्नै होए दे दुष्कर्म ते हत्या दे मामले दी सुनवाई दे दौरान आखेआ जे कार्यबल अपनी रिपोर्ट त्रै हफते दे अंदर पेश करोग ते बाद च खीरी रिपोर्ट दो महीने दे अंदर पेश करने दे निर्देश दित्ते गे'न। मुख् न्यायाधीश होरें आखेआ जे महिलाएं दी सुरक्षा गी सुनिश्चित करने लेई अदालत पूरे देसै चां डाक्टरें दा इक्क राष्ट्रीय कार्यबल बनाग। एहू कार्यबल ऐसे दिशा-निर्देशों दी सफारश करोग जेडे पूरे देशा च लागू होंगन। न्यालय नै आखेआ ऐ जे देसै च इयो नेई घटनां परतियै नेई होग। एहूदे लेई जमीनी बदलाव आहनना जरूरी ऐ। डाक्टरें दे इस कार्यबल च Surgeon Vice Admiral R.Sarin, Dr. D. Nageshwar Reddy, Dr. M. Shreenivas, Dr. Pratima Murty, Dr. Goverdhan Dutt Puri, Dr. Saumitra Rawat, Prof. Anita Sexena (H.O.D. Cardiology, AIIMS Delhi) Prof. Pallavi Sapre (Dean, Grant Medical College Mumbai ते Dr. Padma Srivastava (Neurology Deptt. AIIMS) शामिल होंगन। न्यायालय दी खंडपीठ नै एहू बी दस्सेया जे महाराष्ट्र, केरल, तेलंगाना जनेहू किश राज्यों च डाक्टरें दे खलाफ हिंसा कन्नै निब्वडने लेई अपने कनून बनाए देन।

<><><><><><>

Prez. Geoscience Award

राष्ट्रपति द्रोपदी मुर्मू होरें प्राकृतिक आपदाएं दे कारण मरने आहलें दी गिनतरी घट्ट करने लेई देसै दी कुसै बी क्रोपी कोलां पैहले पता देने आहली प्रणाली गी सौक्खा ते मता सटीक बनाने उप्पर जोर भरेया। राष्ट्रपति भवन च राष्ट्री धरत विज्ञान पुरस्कार देने दे बाद राष्ट्रपति नै देस दे बक्ख-बक्ख हिस्सें च जमीन खिसकने ते हाड जनेही प्राकृतिक आपदाएं दे कारण जान माल दे नुकसान बारै गल्लबात कीती। राष्ट्रपति होरें 12 श्रेणियों च 21 धरत वैज्ञानिकें गी राष्ट्रीय धरत विज्ञान पुरस्कार प्रदान कीते।

<><><><><><>

Tribute-CRPF

केंद्री रिजर्व पुलस बल सी.आर.पी.एफ नै अज्ज इंस्पेक्टर कुलदीप कुमार होरें गी भावें भरोची श्रद्धांजलि भेंट कीती जेडे कल उधमपुर दे डुड्डु इलाके च इक आतंकी हमले च शहीद होई गए हे। अधिकारिक जानकारी मुजब उधमपुर जिले दे बटूल बालियां स्थित सी.आर.पी.एफ दी 187मीं बटालियन मुख्यालय च लोआए गेदे श्रद्धांजलि समारोह च

सी.आर.पी.एफ दे ए.डी.जी.पी अमृत मोहन प्रसाद ते होरनें सीनियर अफसरें शहीद इंस्पेक्टर गी श्रद्धांजलि भेंट करदे होई पुष्प चक्र भेंट कीते। श्रद्धांजलि समारोह च फौज, पुलस ते सिविल प्रशासन दे अधिकारी बी शामिल होए। शहीद इंस्पेक्टर हुं दे पार्थिव शरीर गी उंदे जद्दी राज्य हरियाणा भेजी दित्ता गेआ ऐ।

<><><><><><>

Anti-Terror Operation

उधमपुर जिले दे डुडु इलाके दे जंगलै च छप्पे दे आतंकवादिं दा पता लाने लेई जारी तुपाई अभियान अज्ज दुए रोज बी जारी रेया। जम्मू-कश्मीर पुलसै सने होर दुए सुरक्षाबल बडी मुस्तैदी कन्नै इस अभियान च लग्गे देन तां जे आतंकवादिं गी फगड़ेया यां मारी मकाया जा। ध्यानजोग ऐ जे कल डुडु दे चील इलाके च आतंकवादिं सुरक्षा बलें दी इक सांझी गश्ती टीम पर घात लाइयै हमला कीता हा जेदे च सी.आर.पी.एफ दे इक इंस्पेक्टर कुलदीप कुमार शहीद होई गया हा जेदे पर जवाबी कार्रवाई दौरान आतंकवादिं ते जम्मू-कश्मीर पुलस ते सी.आर.पी.एफ दी सांझी टीम बश्कार किश चिरै तोड़ी गोलीबारी बी होई ही। खीरी जानकारी थहोने तगर तुपाई अभियान जारी हा, एह जानकारी उधमपुर पुलसै आस्सेया दित्ती गेई ऐ।

<><><><><><>

PM-Rajiv Tribute

प्रधानमंत्री नरेंद्र मोदी होरें अज्ज साबका प्रधानमंत्री राजीव गांधी होरेंगी उंदी जयंती पर श्रद्धांजलि भेंट कीती। लोकसभा च विपक्ष दे नेता ते कांग्रेस सांसद राहुल गांधी होरें नमीं दिल्ली च वीर भूमि जाइयै साबका प्रधानमंत्री राजीव गांधी होरेंगी श्रद्धांजलि अर्पित कीती।

<><><><><><>

Govt. Fair Price

केंद्री उपभोक्ता मामले, खाद्य ते सार्वजनिक बंड सरबंधी मंत्री प्रहलाद जोशी होरें अज्ज नमीं दिल्ली च 60 वाजव भाएं आहली दकानें गी जन पोषण केंद्रें च बदलने दे कार्यक्रम दी शुरूआत कीती। कार्यक्रम च संबोधित करदे होई श्री जोशी होरें आखेआ जे जन पोषण केंद्र वाजव भाएं आहली दकान दी आमदनी गी बदाने च मदद करोग। श्री जोशी होरें 5 होर बी कार्यक्रमें दी शुरूआत कीती जिंदे च मेरा राशन ऐप, म्यार गी बनाए रखने सरबंधी बवस्था, गुणवत्ता मैनुअल पुस्तिका, भारती खाद्य निगम दी कांट्रैक्ट मैनुअल ते प्रयोगशालाएं दा NABL प्रमाण पत्र शामिल ऐ। उनें आखेआ जे एहदे कन्नै बवस्था च पारदर्शिता औग। विभाग नै वाजिव भाएं आहली दकान दे दकानदारें आस्तै सौकखे ते तौलें दोआर लैने लेई भारती लघु उद्योग विकास बैंक कन्नै समझौते उप्पर दस्तखत कीते।

<><><><><><>